



MAJLIS TVET NEGERI SABAH  
PENERAJU MASA DEPAN



# ISI KANDUNGAN

## MUKA SURAT

PERUTUSAN YANG BERHORMAT MENTERI SAINS, TEKNOLOGI DAN INOVASI SABAH .....	1
PERUTUSAN YANG BERBAHAGIA SETIAUSAHA TETAP KEMENTERIAN SAINS, TEKNOLOGI DAN INOVASI SABAH .....	2
ATURCARA PELANCARAN MAJLIS TVET NEGERI SABAH .....	3
PENGENALAN .....	4
CARTA PERBATUAN .....	5
PERANAN MAJLIS TVET NEGERI SABAH .....	6 - 7
LOGO .....	8
AHLI MAJLIS TVET NEGERI SABAH .....	9
AHLI JAWATANKUASA TEKNIKAL MAJLIS TVET NEGERI SABAH .....	10
SEKRETARIAT MAJLIS TVET NEGERI SABAH .....	11

# PERUTUSAN YANG BERHORMAT MENTERI SAINS, TEKNOLOGI DAN INOVASI

Assalamualaikum Warahmatullahi Wabarakatuh, Salam Sejahtera, dan Salam Sabah Maju Jaya.

Segala puji dan syukur kita panjatkan ke hadrat Allah SWT kerana dengan limpah kurnia dan izin-Nya, kita dapat bersama-sama meraikan detik bersejarah ini—Majlis Pelancaran Rasmi Majlis TVET Negeri Sabah yang telah diluluskan oleh Kabinet Negeri Sabah pada 12 Februari 2025.

Saya ingin merakamkan setinggi-tinggi penghargaan dan ucapan terima kasih kepada Kementerian Sains, Teknologi dan Inovasi Sabah, Jabatan Pembangunan Sumber Manusia, serta semua agensi kerajaan, institusi TVET, pemain industri dan individu yang telah menyumbang kepada penubuhan Majlis ini. Sokongan dan kerjasama anda amatlah dihargai dan menjadi asas penting dalam memacu pembangunan TVET di negeri ini.

Sebagai Pengurus Majlis TVET Sabah, saya ingin menyatakan komitmen penuh untuk memastikan TVET menjadi teras utama dalam strategi pembangunan negeri. Penubuhan Majlis TVET Sabah merupakan satu inisiatif strategik dan signifikan yang akan bertindak sebagai platform penyelaras utama bagi semua program dan Dasar berkaitan TVET di Sabah.

Dengan tagline "Majlis TVET Sabah, Peneraju Masa Hadapan", kita menggariskan misi untuk melahirkan tenaga kerja mahir, berdaya saing dan relevan dengan keperluan industri di Sabah. Kejayaan ini akan hanya dapat dicapai melalui kerjasama erat antara Kerajaan, Institusi Pendidikan, Industri dan pihak berkepentingan.

Sebagai pengurus, saya beriltizam untuk memacu agenda ini dengan penuh dedikasi, pendekatan yang inklusif berpandukan data, serta responsif terhadap cabaran semasa. Fokus kita adalah untuk memastikan golongan belia Sabah dilengkapi dengan kemahiran yang menjamin masa depan mereka.

Saya percaya bahawa melalui komitmen padu dan kerjasama strategik antara semua pihak, kita akan dapat mengangkat martabat TVET sebagai pilihan utama, bukan lagi sekadar alternatif.

Akhir kata, semoga majlis pelancaran rasmi Majlis TVET Sabah ini menjadi permulaan kepada suatu gerakan besar yang mampu merubah landskap pembangunan modal insan di negeri ini. Marilah kita terus bekerjasama, berganding bahu, dan melangkah ke hadapan dengan semangat Sabah Maju Jaya demi masa depan yang lebih cemerlang.

Sekian, terima kasih.



YB Dato' Dr Haji Mohd. Arifin bin Datuk Haji Mohd. Arif, JP  
Menteri Sains, Teknologi Dan Inovasi Sabah  
Pengerusi Majlis TVET Sabah

# PERUTUSAN YANG BERBAHAGIA SETIAUSAHA TETAP KEMENTERIAN SAINS, TEKNOLOGI DAN INOVASI

Assalamualaikum Warahmatullahi Wabarakatuh, Salam Sejahtera dan Salam Sabah Maju Jaya.

Alhamdulillah, dengan izin Allah SWT, kita dapat bersama-sama dalam majlis yang cukup bermakna ini, iaitu Majlis pelancaran rasmi Majlis TVET Sabah yang telah diluluskan oleh Kabinet Negeri Sabah pada 12 Februari 2025.

Sebagai Setiausaha Tetap Kementerian Sains, Teknologi dan Inovasi Sabah, serta Pengerusi Program bagi Majlis ini, saya amat berbesar hati dan berbangga dengan penganjuran inisiatif penting ini yang mencerminkan iltizam Kerajaan Negeri dalam memperkuuhkan pembangunan modal insan melalui pendidikan dan latihan kemahiran.

Dengan tagline "Majlis TVET Sabah Peneraju Masa Hadapan", kita mengiktirafkan peranan strategik TVET bukan sahaja sebagai laluan pendidikan alternatif, malah sebagai pemacu kepada pembangunan sosio-ekonomi negeri.

Saya ingin merakamkan penghargaan kepada seluruh jawatankuasa pelaksana yang telah menunjukkan komitmen tinggi dalam memastikan kelancaran majlis hari ini.

Saya berharap agar pelancaran Majlis TVET Sabah ini akan menjadi permulaan kepada kerjasama yang lebih tersusun dan menyeluruh dalam membangunkan bidang TVET di Sabah. Dengan penyelarasan lebih baik dan penglibatan semua pihak, saya yakin kita mampu memastikan program-program TVET yang dilaksanakan adalah berkualiti, relevan dan diiktirafkan industri.

Akhir sekali, saya mengucapkan tahniah dan terima kasih kepada semua yang terlibat dalam menjayakan majlis ini. Semoga Majlis TVET Sabah menjadi pemangkin kepada Pembangunan TVET yang lebih mantap dan inklusif di negeri Sabah.

Sekian, terima kasih.



YBhg. Datuk Mohd Hanafiah Mohd Kassim [ASDK, PGDK, KMN]  
Setiausaha Tetap Kementerian Sains, Teknologi dan Inovasi Sabah  
Pengerusi Program Pelancaran Majlis TVET Sabah

# ATURCARA PELANCARAN MAJLIS TVET NEGERI SABAH

19 Mei 2025 (Isnin), 9.30 pagi

Ballroom 2, Level 1, The Magellan Sutera Resort, Kota Kinabalu

Masa	Acara
7.30 Pagi	* Ketibaan Ahli-Ahli Jawatankuasa Pelaksana
9.15 Pagi	* Ketibaan Yang Berbahagia Datuk Mohd Hanafiah bin Mohd Kassim, Setiausaha Tetap Kementerian Sains, Teknologi dan Inovasi Sabah
9.30 Pagi	* Ketibaan Yang Berhormat Datuk Dr Haji Mohd. Arifin bin Datuk Haji Mohd. Arif, JP Menteri Sains, Teknologi Dan Inovasi Sabah
10.00 Pagi	* Sesi menandatangani MoU JPSM bersama The Welding Institute (TWI)
10.05 Pagi	* Ketibaan Dif-Dif Jemputan
10.10 Pagi	* Ketibaan Ketua-Ketua Jabatan Negeri dan Persekutuan
10.15 Pagi	* Ketibaan Setiausaha Tetap-Setiausaha Tetap Kementerian
10.20 Pagi	* Ketibaan Yang Berhormat Menteri-Menteri Kabinet Negeri Sabah
10.25 Pagi	* Ketibaan Yang Berhormat Timbalan-Timbalan Ketua Menteri Sabah
10.30 Pagi	* Ketibaan Yang Amat Berhormat Datuk Seri Panglima Haji Hajiji bin Haji Noor, Ketua Menteri Sabah * Lawatan ke Reruai Pameran * Nyanyian: Lagu Negaraku Lagu Sabah Tanah Airku * Lafaz Ikrar Rukun Negara * Tayangan Video Montaj: Lagu Sabah Maju Jaya Lagu Integriti Perkhidmatan Awam Negeri Sabah * Bacaan Doa * Ucapan Perasmian oleh Yang Amat Berhormat Datuk Seri Panglima Haji Hajiji bin Haji Noor, Ketua Menteri Sabah * Acara Gimik Pelancaran dan Tayangan Video Montaj Majlis TVET Sabah (MTS) * Penyerahan Watikah Pelantikan Ahli Majlis Induk TVET Sabah * Sesi Penyerahan MoU JPSM bersama TWI * Sesi Penyerahan MoU JPSM bersama ECoS * Sesi Penyerahan Sijil Pentaulihan ECoS * Penyerahan Cenderamata * Jamuan * Majlis dijangka selesai
1.00 Petang	

# PENGENALAN

Penubuhan Majlis TVET Negeri Sabah (MTS) adalah selaras dengan inisiatif Majlis TVET Negara yang ditubuhkan pada 18 Disember 2020, bagi memperkuatkan pembangunan pendidikan dan latihan teknikal serta vokasional (TVET) di peringkat negeri. Menyedari keperluan untuk memperjuangkan kepentingan TVET Sabah di peringkat nasional, Kerajaan Negeri Sabah telah meluluskan penubuhan MTS melalui Jemaah Menteri Kabinet Negeri pada 12 Februari 2025.

MTS berperanan sebagai badan penyelaras dan penentu dasar hala tuju pembangunan TVET di Sabah, dengan mengambil kira kepentingan strategik negeri, termasuk aspek Perjanjian Malaysia 1963 (MA63), ciri sosioekonomi, dan geografi tempatan. Bagi menyokong pelaksanaan fungsinya, struktur MTS merangkumi Jawatankuasa Induk dan Jawatankuasa Teknikal yang disokong oleh Sekretariat Majlis TVET Sabah.

Jawatankuasa Teknikal bertindak sebagai kumpulan pemikir strategik yang merangka pelan tindakan holistik dan bekerjasama erat dengan institusi pendidikan, industri, serta agensi kerajaan bagi memastikan dasar dan pelaksanaan TVET di Sabah adalah relevan, mampan dan berpaksikan keperluan semasa industri serta teknologi. Penubuhan MTS diharap dapat melonjakkan kualiti, kebolehpasaran graduan, serta daya saing tenaga kerja tempatan ke tahap yang lebih tinggi.

# CARTA PERBATUAN

## AKTIVITI

- Penyediaan surat lantikan ahli teknikal MTS
- Penyediaan surat lantikan ahli MTS
- Penyediaan jemputan | tempahan lokasi | masa | tarikh
- Penyediaan MOU
- Penyediaan montaj
- Majlis Pelancaran MTS
- Mesyuarat JK Teknikal MTS
- Mesyuarat JK Induk MTS

Mac Apr Mei Jun Jul Ogos Sept Okt Nov



# PERANAN MAJLIS TVET NEGERI SABAH

- Jurang keupayaan tenaga kerja industri merangkumi permintaan tenaga kerja mahir, kurang mahir dan tidak mahir serta tahap kesiapsiagaan graduan TVET untuk memasuki pasaran kerja.
- Memastikan pembangunan modal insan bersifat komprehensif terutama dalam bidang TVET.
- Mendapatkan penilaian semasa bekalan dan permintaan tenaga kerja dalam konteks pendidikan TVET.
- Mentakwimkan sesi libat urus antara badan pelaksana, institusi TVET, pemain industri, Badan Akreditasi dan badan bukan kerajaan untuk membincangkan perkara seperti kurikulum TVET dan program latihan industri agar dapat mengukuhkan sistem pembelajaran institusi TVET itu sendiri.
- Memperakui permohonan dana untuk pelaksanaan pembangunan dan pendidikan TVET.

# PERANAN MAJLIS TVET NEGERI SABAH

- TVET akan memberikan impak positif dan penting dalam memastikan tenaga kerja Sabah kekal relevan dan berdaya saing di peringkat negeri dan global.
- Memperkenalkan inisiatif melalui penyediaan insentif khusus seperti pembiayaan atau bantuan fizikal kepada syarikat yang terlibat dalam program TVET. Langkah ini mendorong lebih banyak industri untuk menyediakan latihan industri kepada pelajar TVET dan membantu pembangunan kemahiran pekerja tempatan.
- Untuk menilai usul cadangan dan keberkesanan latihan dalam pembangunan dan pendidikan TVET.
- Memastikan semua program pembangunan dan pendidikan TVET di Sabah mendapat persetujuan daripada ahli-ahli Majlis TVET Negeri.
- Menyokong dan mempromosikan pembelajaran berterusan untuk graduan Sabah. Ini akan membantu mereka memperoleh kemahiran yang sesuai dengan keperluan mengikut sasaran industri terkini seperti pelancongan, pertanian, dan perindustrian. Meningkatkan kebolehpasaran graduan Negeri Sabah.

# LOGO

## Warna Merah, Biru, dan Putih

Warna merah, biru dan putih melambangkan warna bendera Sabah, menggambarkan semangat kenegerian dan identiti tempatan dalam memacu pembangunan TVET.

## Enam Ikon Sektor TVET

Setiap permukaan kubus memaparkan ikon yang mewakili sektor-sektor utama pembangunan TVET di Negeri Sabah.



## Bentuk Kubus Tiga Dimensi (Hexahedron)

Melambangkan kekuahan, kestabilan dan struktur yang sistematis.


Mewakili pendekatan strategik dan holistik Majlis TVET Negeri Sabah dalam merangka hala tuju TVET negeri.

Kubus juga mencerminkan integrasi pelbagai sektor industri dan pendidikan dalam satu ekosistem pembangunan kemahiran yang menyeluruh.

# AHLI MAJLIS INDUK TVET NEGERI SABAH



# AHLI JAWATANKUASA TEKNIKAL MAJLIS TVET NEGERI SABAH



# SEKRETARIAT MAJLIS TVET NEGERI SABAH



